

永樂大典

卷二千二百七十

永樂大典卷之二千二百七十

六模

湖

太子湖

建康志太子湖一名西池在城北六里周廻十里。宣明太子創西池。晉元帝即位。明帝為太子。修西池。多養武

士於內。築土為臺。時人呼為太子西池。

太史湖

元一統志李方叔記汝州刺史宅。引牛山水為池。於石穿牙城之末。甃

而入于壑。然其防岸墊缺。土埋水穢。或浸浸民室。自丞相富公領州以來。欲治未遑。他日郡置鑄錢官。泝水共用。歸除於池。水溢大。池甃不能容。洩則又有決溢之慮。公私病之。今太守德安王公慨然曰。郡以不名。而汝有海稱。且古語謂汝有三十六浸。是乃澤國。烏有吾池蹴步之外。輒使公私病之。亦政所當及也。屬歲二月。舉春令。命有司慎溝洫。陂。而以待時雨。於是因水所入。至水所出。源流匯委。一時濬治。發故甃。門柵闌。鑿以限內外。廣故壑為湖。方行五舟。表景三十餘刻。迺備。其深有。尋者。隄高。恒有五尺。長二十步。雜植佳木。彌望。命之曰萬家隄。並門駕橋。上可通車。下

永樂大典卷二千二百七十

可通航。命之曰萬紅橋。引餘波。溝隄之南。注之州學。東與橋對。亦有溝。循昭惠廟。滌貫里巷。會南溝于通街之渠。流出東關。過東郭。以入于黃陂。蓋前日蓮葍。簞菜之怒生。今槐柳交蔭。桃李成蹊矣。前日蛙。龜。蚊。蚋。之鬧集。今藻行浮湛。鷗鷺翔戲矣。妙因佛刹。飛觀複閣。映帶其左。而古城喬木。枿枝蒼幹。蔽虧其右。汝陽樓據其北。少室風穴諸山。又在其北。尊勝臺控其南。崆峒魯陽諸山。又在其南。後波之亭。丰夷之洲。浮出於回塘。菡萏之間。水光照衣。樓山色滿欄。楮史君與客。步自西疇。臨石瀨。擷秋英。登舟于南。隄之淺。循東西溪。所經皆竹。里花塢。委蛇曲折。行錦野。卷畫上。度門至湖。忽空曠清明。如開奩出鏡。雲行日湛。鳶飛魚躍。皆在鏡中。遂為一郡勝處。客曰。此湖延袤。幾與汾汾柳隄等。而群山浸碧。不減鄠杜。漢陂。蓋以嘉名之。或曰。成州之房公湖。漢陽之郎官湖。所以為名。皆因太守。王史君。於書無所不通。於文無所不能。妙齡擢上第。驟登瀛洲。領著作。熙寧以來。史官日曆。嘗與倫次。又嘗以家學典治曆。其成書曰大觀紀元。論者謂史家三長。使君能兼之。俱絕人遠甚。可謂善太史之職矣。宜以太史名之。俾而今而後。游覽於斯者。想其風流於無窮。不亦可乎。眾曰。唯州園十二景。惟望高香遠為無恙。餘但遺趾而已。訪之州人。雖少者。猶及見之。而能指顧其

永樂大典

卷二二七〇

處。然則其類
毀木達也。

大白湖

龍陽志在縣西北。隋志。龍陽白查湖是也。

神聖湖

清波別志神聖

湖。鄴道元水經注。錢塘湖本名神聖湖。自夫祚中興。高宗歲狩于此。及議謚號。遂帶此二字。

明聖湖

杭州府志。劉道真錢

塘記云。湖在縣南二百步。父老相傳。湖中嘗有金牛見。遂以明聖為名。鄴道元水經注。此湖在縣南江側。又仁和縣東十八里。亦有明聖湖。

儂

人湖

池州路志。在建德縣南。本名瀝湖。父老相傳。建炎年間有漁父夜遇一船。中有七人。衣冠濟楚。談論達旦不已。漁父揖而問曰。

汝何人。稱七人者曰。我晉七賢也。避世於此。慎勿輕泄。語畢不見。惟有虛舟焉。後人遂改湖名。

天仙湖

海鹽志。天

仙湖。雲南志。畧撫仙湖在河陽縣。又名羅伽湖。亦名青魚戲月湖。周回二百里。東南流合南盤江。

撫仙湖

雲南志。畧撫仙湖在河陽縣。又名羅伽湖。亦名青魚戲月湖。周回二百里。東南流合南盤江。

巧子湖

臨川志。在撫州府臨川縣。

散子湖

鏡州府志。在鄱陽縣。

道士湖

諸

志在縣北五里。

和尚湖

諸暨志在縣北五里。

靈伯湖

邵縣志在江陵府。公安有靈

永樂大典卷二千二百七十一

二

上妃湖

紹興府志在上虞縣西北。夏蓋湖南。中有溪水。即此。

女湖

南海志在東莞縣東北百餘里。

孝女湖

赤城志在天口縣西三十里。平野中有山特立。名塔山。山之麓

有湖。舊傳唐時有汪氏女。苦節不嫁。紉織以奉其親。好湖水。其家距湖五里。女日汲以供之。親沒。建塔。親人遂以此名湖。與山。凡大旱取之不竭。

師姑湖

青田志在處州府青田縣西四十里。有寺故名。南豐志一

數丈。湖內極深。旱不乾水。不溢。魚鱉多。羊而漁者難得。或疑下與大港相通。世傳舊乃尼姑寺。

獨姥湖

餘姚志。獨姥湖在縣

北四十里。周八里。西有土門。上有獨姥祠。

新婦湖

四明志。新婦湖在寧波府奉化州東五里。本州放生之所。

孔

目湖

鄱陽縣志。孔目湖在鄱陽縣。

郎官湖

元一統志。郎官湖在漢陽府學前。其自唐開元間。秋八月。翰林

待詔李白。遭於夜郎。遇故人尚書郎張謂。出便夏口。沔州牧杜公。漢陽宰王公。勝于江城之南。方夜水月如練。清光可掬。張公殊有勝槩。四望超然。

乃顧白曰。此湖古未賢豪遊者匪一。而枉踐佳景。寂寥無聞。夫子可為我
 標之嘉名。以傳不朽。白因舉酒酌水。號之曰郎官湖。亦鄭圃之有僕射陂
 也。白時賦詩曰。張公多逸興。共泛城南隅。當時秋月好。不減武昌都。四生
 醉清光。為喜古未無。郎官愛此水。因號郎官湖。風流若未沒。名與此山俱。
 舊湖在城之南。今已析而為四。土人云。天慶觀東南。及行香湜表裏。皆郎
 官湖。今所謂郎官湖者。乃其湖尾也。碑刻僅存其一。宋郭功父詩郎官湖
 即李白以張謂愛湖而名之。張公昔愛湖。湖名自公始。寥寥三百年。逢秋
 愈清泚。移船羨荇香。游魚數頰尾。四望武昌郭。富臺碧天裏。石照瀉靈光。
 湖波浩如洗。此景絕世無。愛之心不已。緬懷昔賢期。林表清風起。終當歸
 結網。未此養衰鄙。又和劉漢陽見寄郎官湖佳作。出郭湖光滿。轉山
 湖影涼。得名因太白。起廢自劉郎。石鏡三更見。荷花一丈長。客來籌往事。
 蘭草死猶香。張瀘濱詩西州訪舊。諸公皆沿撤去。借江一父。過郎官湖賦
 此。一池漢水秀可餐。十年借我江南看。陰山夜半黑風起。此水與我心
 都寒。可惜野狐不革面。當未棲鳳俱生翰。湖亭謝荷首句。穗霜月記憶浮
 杯寬。端期歲晚同不朽。報谷地主老郎官。李壁屬湖集劉子澄約遊漢陽
 郎官湖。子澄風雨中絕江先去。余泊舟黃鶴樓下。風大不可進。因成七言

水樂大典卷二千二百七十

為寄郎官湖。唐刺史張謂所建李白詩所謂郎官愛此水。因號郎官湖者
 是也。汚水悠悠下武昌。向來風物未淒涼。江樓運對遠天月。湖草猶分
 漢署香。信筆題詩輸李白。開樽一笑後劉郎。蹇余終日憑高望。千古懷人
 幾度傷。李蕭遠詩郎官湖春日二首。朦朧花影月黃昏。看意春風入酒
 痕。知是江梅喜佳客。倒垂花葉照清尊。十日春陰到水亭。水邊楊柳一
 時青。梅花過盡桃花惡。乞取山礬入淨瓶。元范德機詩題李白郎官湖。
 當時郎官奉使出咸京。仙人千里來相迎。畫船吹笛弄綠水。何意芳洲遺
 舊名。唐祠蕪沒知何代。惟有東流水長在。黎侯獨起梁棟高。彷彿雲中昔
 軒蓋。南飛越鳥北飛鴻。今古悠悠去住同。富貴何如一杯酒。愁來無地貯
 西風。大別山高幾千尺。隔城正與祠相直。青猿夜抱月光啼。挂在東湖之
 石壁。黎侯本在斗南家。枕戈猶自憶煙霞。擬將身報天子。不負胸中書
 五車。作者相逢玉闕下。別來幾日秋瀟酒。黃葉當頭亂打人。門前繫著青
 驄馬。君今歸去釣晴湖。我亦明年辭帝都。若過湖邊定相見。為問仙人安
 穩無。乾坤清氣集李溉之漢陽郎官湖。山翁薄暮醉酒歸。杖藜迷却高
 陽池。清風吹花綠陰倒。我笑謂是秋雲移。運來貫月槎。夜過郎官湖。呼噉
 星斗入江漢。滂漾槎影如鯨魚。九華之真人。邀我倒玉壺。麒麟學脯供行

厨依稀仙樂在空際。碧山四映寒蟾孤。舉酒酌寒蟾。明月下飲嫦娥俱覺。
裳拂雲錦。萬竹瀉露瓊瑤珠。麾幢掩霽羅炬空。乃有玉皇所授之。玉童風
前飄飄曳廣帶。對立十二秋芙蓉。清香九曲銀河通。真人綠髮披天風。錦
袍玉雪照天地。口說姓字安南公。是公多逸氣。略與古昔賢豪同。時能掃
月色。延我石室烟籬中。又言昔同張謂所遊地。長嘯一覆丹霞鍾。風吹仙
樂度溪去。我已醉卧香爐峰。韓中村郎官湖。半烟半雨樹扶疎。畫出
元暉水墨圖。最是一年秋月白。不隨魚課入官湖。李蕭遠詩水龍吟郎官
湖。碧山橫繞清湖。茂林秀麓波光裏。南宮老大。西州漂蕩。危樓重倚。雨
步雲行。斜風飲露。平生遊戲。笑此中空洞。都無一物。有神妙浩然氣。掃盡
雲南夢北。首三江五湖秋水。狂歌兩解。清尊一舉。超然千里。江漢蒼茫。故
人何處。山川良是。待白蘋露下。青天月上。約騎鯨起。醉桃源。公前春風
碧水滿郎湖。水清梅影疎。渡江桃李酒家爐。髻鬟雲鬢梳。吹玉簫。飲雲
妝。不須紅袖扶。少年隨
意數。花蕭老來心已無。**澹臺湖** 元一統志湖在平江路沙縣南十
南遊至江。舊經云。家於此。後陷為湖。後人從而名之。**張良湖** 揚州府志湖去城二十里。東至
運河。西至沛城村。南至江靜村。

永樂大典卷二千二百七十

北至七里。**范蠡湖** 濟寧志湖在定陶縣西南。約百餘畝。又為黃河所
淤。今遺跡尚存。越范蠡嘗裝其輕寶珠玉。自與其
私徒屬乘舟江湖。浮海出齊。變姓名謂鴟夷子皮。父子治產至數十萬。齊
人聞其賢以為相。蠡喟然嘆曰。居家致千金。居官致卿相。此布衣之極也。
久受尊名不祥。乃歸相印。盡散其財。懷重寶間行。止於陶。即定陶也。又謂
之陶朱公。因老死焉。曹州魯志湖在陶縣城內西南角窪下。地約二頃餘。
凡雨則歲餘不涸。居人稱為范蠡湖。蓋往昔范蠡養魚
之所。陳師道披雲樓記云。登樓四顧。則昔之范蠡湖也。**蘇武湖** 張

博物志周日用曰。余聞北海蘇武牧羊之所。祇一池號北
海。蘇武牧羊常在於是耳。此地見有蘇武湖。非北溟之海。**蘇峻湖**
建康志湖在城西。北一十五里。周廻十里。灌田一十二頃。宋南徐州記。迎
橋湖西北有蘇峻湖。本名白石陂。晉咸和二年。蘇峻舉兵于石頭。陶侃
溫嶠度亮陣于向石。使將軍楊謙攻于石頭。峻輕騎出戰。謙詐奔白石。壘
峻逼之。纔交鋒。峻墜馬。侃督護李陽臨陣斬峻於白石陂岸。至今呼此陂
為蘇峻湖。

陶侃湖 太平寰宇記湖在潭州長沙縣北八里。周廻七里。湖
中出菱藕。今俗謂陶侃湖塘。元一統志記勝載在會

春園北湖多菱藕俗曰陶侃湖又有陶侃墓元和郡志云在長沙縣南三十三里
范光湖 寶應志湖在寶應縣西南三十里關二十餘里
郭真湖 寶應志湖在寶應縣東南八十里南隣高郵縣界支流東北三十里入射陽湖西接安宜溪

李渤湖

九江府志湖在郡城下一名甘棠湖一名景星湖一名蓮花湖水源出蓮花峯與濂溪分派會于甘棠湖唐李渤愛慕九江山川之勝隱居於此置讀書堂元和初朝賢列薦拜右拾遺不就後為江州刺史興利除害築南湖隄七百步於甘棠湖之陽人不病涉遂名李渤湖張洪靖思而美之以方名伯故亦名甘棠湖李翱為作銘蘇軾詩讀書廬山中作郡廬山下平湖浸山脚雲峯對虛榭紅葉紛欲落白鳥時未下猶思隱居時亂石驚湍瀉
康郎湖 餘干縣志水在洪厓鄉去縣治西七十里即鄱陽湖之南涯也其水自南雄吉潯來臨瑞撫建信等州三道入湖於此會而匯其漲也茫然無津涯或溢入縣市數月不降居民無舟楫則集于樹其澗也黃茅白草曠如平野港汊巨艦不通
歐郎湖 長沙府志湖在湘陰縣
史君湖 長沙府志湖在湘陰縣
蔡王

永樂大典卷二千二百七

五

湖

郡縣志湖在德安府雲夢縣北四里

梁子湖

武昌府志梁子湖在武昌府郡南一百一十里周一百一十里舊經

引浮石記云湖上鑿石乃武昌江夏分界之處

湯孫湖

武昌府志在江夏縣東一十五里

馬王湖

長沙府志

蔣公湖

太平御覽鄒緝之永嘉記曰懷北縣有蔣公湖父老云先代有祭祀祈請者湖輒下大魚與之

秦州記曰武都郡前有湖義熙初有白龍於湖升天處州府志又湖在遂昌縣東二十里五代時有蔣氏者一夕此陷為湖其家逃焉宋紹興中湖始於州人請為田其中深有五畝餘為露蹟有柱尚在水底今已湮塞而石存
吳公湖 高郵志湖在縣西北三十里南至七都東西北俱至八都昔有吳公隱於其傍故得名
杜公湖 澧陽志湖在澧州安鄉縣西
朱公湖

紹興府志在諸暨縣北六十里昔朱氏浚此湖

高公湖

紹興府志湖在上虞縣西南一十二里周二百餘畝

彭

公湖 韓公湖

湛公湖

鏡州府志俱在鄞陽縣

常公湖

永樂大典

卷二二七〇

吉安府志湖在龍泉縣西北可百里相傳昔有隱者常氏漁釣于此

馬公湖

澧陽志湖在澧州楓林村

裴公

湖

元一統志湖在鞏昌府成州治之址唐刺史裴守貞所創荷花數十畝花柳夾岸蓋一州之勝景大順中劉師魯未守此郡因刻石以識其事宋李師中詩對面好峯橫翠峯繞城垂柳拂清漣自兵興已廢郡縣志湖在成州同谷縣郡治為勝景劔外諸州所無也不知裴公何人方輿勝覽湖在順慶府舊傳乃裴莫公牧蜀日所開上有湖山堂

徐公湖

東陽志郡國志湖在金華府東陽縣長山周四百八

王公湖

十六 虞州府志王信字成之。歷水縣人。宋太學舍選中。紹興三十年進士。第後知紹興府開山陰。淨瀦注之海。民德之。歌曰。湖水溢。大田失。湖可耕。民以生。名之曰王公湖。宋史王信傳。王信為湖東安撫使。山陰縣境有澆田湖。四環皆田。歲告潦。信創谷斗門。導瀦注之海。築十一堤。化匯沒為上腴。民繪像以祠。更其名曰王公湖。

張公湖

長沙府志

房公

湖

佳致。今與郡治相通。史稱瑄為明皇於驪山疏岩剔藪。其巧可知矣。

永樂大典卷二千二百七十

六

唐杜甫詩陪王漢州留杜韓州。泛房公西湖。舊相思追後。春池實不稀。闕庭分未到。舟楫有光輝。鼓化尊絲熟。刀鳴繪綵飛。使君雙卓蓋。灘淺正相依。宋季璧馬湖集。過漢州留房公湖一日。戲和少陵韻二首。西湖天下勝。贊相古未稀。汎掃邀明月。徜徉逗落暉。蒲深瀉鵝響。林靜鷓鴣飛。脚力應難徧。雕欄幸可依。子美未湖上。篇篇只愛鵝。昔年惟有此。佳處總無多。竹徑繁新築。荷池引舊波。不應慳五字。共和有陰何。宋景文公集。漢州房公湖。丞相于藩日。疏湖訟閣西。疑從濟川地。寫出釣璜溪。流淺初無浪。源清不貯泥。月為霄幌燭。雲作曙樓梯。礙馬汀篁密。繫船浦葦低。人

士桃李在。脉脉尚成蹊。趙清獻公詩。宿房公湖偶成。廣漢園池蜀自無。却思房相未如吾。湖東歸去君恩重。乞得蓬萊與鑑湖。王漢濱先生集。余兩過漢宿房公湖上。不暇題詠。任德廣攝郡事。來索辭句。追賦於益昌總領廨舍。金鴈橋南二頃湖。房公遺迹未湮蕪。人道杜牧晚晴賦。境對王維別墅圖。經始林泉心自巧。折衝廊廟術何迂。當時只作幽人計。留得陳陶四萬夫。石室丹淵集。房公湖。一項清波四面平。宛然唐相舊經營。高秋林木形容老。落日樓臺綠繪明。有景可尋蘭棹遠。無幽不入竹橋橫。二年所得官居樂。肯厭頻來緩帶行。孫炳湖先生集。漢州房公湖。陰陰老木

匡平湖想見房公用意初。眼底園池那有此。曾中丘壑故須渠。風流正自能傳世。成敗應難盡信書。萬里茲遊銷客恨。不辭一賞醉春餘。元王沂伊濱集房公湖。房公昔年為刺史。日日湖邊看湖水。琴中不識董庭蘭。觀過亦足知君子。漢州修竹綠如雲。落落相看有此君。兒曹謗傷等蟬沸。逸氣自是起人群。我行金鴈橋西路。綠樹啼鶻怨春暮。那箇拍拍貯鶯黃。一酌房公舊遊處。

茶婆湖 長沙府志 在湘陰縣 **劉婆湖** 武昌府志湖在嘉魚縣東北八十里 **陳婆**

湖 長沙府志 在湘陰縣 **謝婆湖** 餘干縣志 在餘干縣 **師婆湖** 雲南志湖在廣西府之南方數

十里 **褚婆湖** 鄱陽志湖在餘干縣治之西 以唐劉長卿詩亦名後谿 **黃婆湖** 饒州府志 在番陽縣

董藏湖 武昌府志湖在嘉魚縣南二十里 **郭鄭湖** 武昌府志湖在江夏縣東一十八里 **朱**

陳湖 紹興志在諸暨縣北二十五里 **蘇廖湖** 長沙府志 在長沙縣 **馮慶湖** 饒州志 在

水樂大典卷二千二百七

餘干縣 **孫槎湖** 饒州府志俱 在餘干縣 **薛澱湖** 華亭縣志 在

湖在縣西北七十二里。有山居其中。湖之西曰小湖。南接三泖。其東大盈浦。其北趙屯浦。蓋湖所以受三泖。及西南諸港之水。自二浦以瀉于松江也。

吳助湖 紹興志在諸暨縣 東北六十五里 **彭墩湖** 杭州府海寧縣志 湖在縣東六十里 **包**

老湖 方輿勝覽泰州縣北四十里。湖水清而無滓。 **相家湖** 與茅壺氏取以供滴漏。在泰州東北四十里 **華家**

湖在嘉興縣東北九里 **余家湖** 武昌府志在江夏縣北七里 撫州府志在宜黃縣 **裴**

湖 興國州志在州城北一百七十里 **丁家湖** 武昌府志一在嘉魚縣西八十里 郡縣志一在荊州府枝江縣 **連家**

家湖 郡縣志在華容縣界 **董家湖** 德安府志在孝感縣東五里 俗傳董永所居之地 **朱家湖**

湖 岳州府志在臨湘縣東二里 **朱家湖** 長沙府志 在長沙縣 **詹家湖** 郡縣志湖 在蕭山縣

西二十里 **勞家湖** 紹興志在餘姚縣北三十里 五里 周三百畝東有土門 **范家湖** 郡縣志在會稽 縣東南四十里 **李家湖** 上虞縣前志在餘姚縣西南一十五里

志湖在縣南四十里 **馬家湖** 上虞縣前志在縣西南五十里 **孔家湖** 上虞縣前志在縣西南五十里 **周家湖** 上虞縣前志湖在縣南四十里 郡縣志湖在彭澤縣北二十里 鏡州府志在鄱陽縣 四十二里

錢家湖 紹興志在諸暨縣東北六十五里 上虞縣前志湖在縣西南三十里 **戚家湖** 會稽志在蕭山 縣西三里與湘湖接一名捲湖 **邵家湖** 紹興志湖在諸暨縣北二十里 **陳家湖** 紹興志湖在諸暨縣北四十里 **王家湖** 紹興志湖在諸暨縣南五里 **倪家湖** 紹興志在諸暨縣西北五十里 **樓家湖** 紹興志在諸暨縣南五里 **金家湖** 紹興志在諸暨縣北五里

志在諸暨 **顧家湖** 紹興志在諸暨縣北四十五里 **支家湖** 紹興志湖在諸暨縣東十五里 **杜家湖** 紹興志湖在諸暨縣北三十里 **毛家湖** 紹興志在諸暨縣西五里 **黃家湖** 紹興志在諸暨縣西十里 撫州志在宜黃縣 鏡州府志在餘干縣 武昌府志在嘉魚縣西南七十里 **郭家湖** 臨川志在臨川縣 **揭家湖** 臨川志在臨川縣 **安家湖** 紹興志在諸暨縣南十五里

江家湖 臨川志在臨川縣 **陶家湖** 臨川志在臨川縣 鏡州府志在鄱陽縣 **雷家湖** 臨川志在臨川縣 **何家湖** 臨川志在餘干縣 **傅家湖** 臨川志在臨川縣 **童家湖** 鏡州府志在餘干縣 青陽縣志在縣北十里 **史家湖** 鏡州府志在餘干縣 長沙府志在長沙縣 **張家湖** 鏡州府志在餘干縣 **潘家湖** 鄱陽縣志在鄱陽縣 **袁家湖** 鏡州府志在餘干縣

永樂大典卷二千二百七十八

永樂大典卷二千二百七十八

永樂大典卷二千二百七十八

永樂大典卷二千二百七十八

永樂大典卷二千二百七十八

永樂大典卷二千二百七十八

永樂大典卷二千二百七十八

永樂大典卷二千二百七十八

永樂大典卷二千二百七十八

永樂大典卷二千二百七十八

永樂大典卷二千二百七十八

圖經在
餘干縣

蔡家湖

開封府志在祥符縣界內蔡京舊遊之所臨川志在臨川縣

湯家湖

齊家湖

長沙府志俱在長沙縣

戴家湖

長沙府志在湘陰縣

唐家湖

長沙

劉家湖

邵縣志在荆州府枝江縣

左家湖

邵縣志在江陵府潛江縣

沅

家湖

長沙府志在長沙縣

羅家湖

青陽志在縣北二十里

張家湖

維揚志在江都

縣西北孫渡橋西太平鄉界

蔣家湖

瑞州府志在水南之東

陳家湖

瑞州府志在水南朝天坊

萬家湖

清河縣志在東南一十五里西通汴溝入淮湖東南二十里有萬家莊在焉宋楊誠齋朝天集歸舟大雪中入運河

過萬家湖雪漫水面淡模糊釀出羔兒酒一壺已被羶臄翳醱醱更添牛乳點春酥銷金帳下有如此藥玉船中不用酌忽見瓊缸清徹底滴菊一色萬家湖國朝楊基眉庵集夜過萬家湖二首秋水去仍急夜帆行自輕漸低河淡白欲墮月斜明此德忘舟楫逢窮賴友生誰能歌白苧

水樂大典卷二千二百廿

九

又感故鄉情不寐倚孤蓬雞鳴夜向中鬢毛沾白露星斗下秋空國已興亡異人今去就同微軀非自愛親老耳兼聾

管家湖

山陽志湖在望雲門外隔舊仁濟橋為南北湖嘉定九年安撫秘閣應監丞申本州形勢東南皆坦夷之地艱於設險向北一隅有地不廣而淮河限之惟西向一帶湖蕩相連回環甚廣四維多有畔岸而泄水之處止有數里今若取土放無水之地築隄防補低岸聚水於內作一斗門為減水之所則一望瀰漫沮洳敵人不可向通設使水為盜決泥淖深遠斷不能渡平居無事儘可教習舟師緩急之際又可擺泊船隻此築既舉則城西一面必不可攻庶乎一意經理東南北三面為戰守之計積甲所築管家湖岸初未相視欲於舊運河與湖相際淺水去處用椿幫築今泰之衆論見得水內築岸工役難施不能經久合別開新河與運河連接取土填壘圍岸却使舊運河與湖通連蓋使水面深闊遂創開一河於湖岸之北築壘湖岸底闊四丈而闊三丈高及一丈以限湖水又自馬家渡西至陳文莊就湖灘築岸二百七十餘丈自管家湖南與老觀湖相接岸處平地開洋方負及二十丈置斗門水閘自此兩湖之浸相維楚城西北隱然有難犯之勢

董家湖

維揚志在江都縣長樂鄉

永樂大典

卷二二七〇

夏家湖

淮安府清河縣志湖去縣西二十里湖而周圍三

賀家湖

宋謝朓詩立春日同陳有之步至賀家湖風煙四首失歲月但尋常志

程家湖

徐家湖

嚴家湖

饒州府志俱在番陽縣

督軍湖

一

統志湖在府城東北俗名東湖漢梅鎮為吳芮將從沛公攻

留人湖

而陽功多以十萬戶封為侯嘗習水戰於此又有梅池梅港

鳳凰湖

意漢縣志在金川鄉今廢長沙府志湖在益陽縣

鷺雀湖

建康志湖

在城東二里周迴二里流入青溪古老相傳今斜橋即走馬橋橋之東有

鷺雀湖窮神祕苑曰梁昭明太子在東宮有一琉璃盃紫玉杯皆武帝所

賜也既薨詔置梓宮後更葬開墳為闖人勢入大航乃有燕雀數萬擊之

水樂大典卷二千二百七十

十

側見高墳萬土衝來燕雀群鑑而無波天一色此中文藻似儲君馬之純

詩在昔曾為舜帝墳象來耕作鳥來耘今茲封土麒麟冢乃有啣泥燕雀

鷺雀湖

嘉興志一名南湖在

群玉海中融作至性錦江煤爛擬高文區區羽物猶依戀想見人情望白雲

闊五十丈深一丈宋從事郎勅令所刑定官聞人滿嘗為僧德輝記南湖

草堂云萬李澤國也東南皆波湖而南湖尤大稽其故復當百有二十頃

鷓鴣湖

海鹽縣志在縣西南四十

鴉鵲湖

而其利實瀟水以資上田灌溉其產則蒲菱芡與鷓鴣頭之屬而解若味特

鷓鴣湖

芳甘膚色凝綠他所無有也其禽則鷓鴣春鋤鷓鴣濤澤而多鷓鴣故名

鴉鵲湖

元

鷺雀湖或云東西兩湖相接故謂之鷺雀湖

鷓鴣湖

臨川志在臨川縣

鴉鵲湖

一

統志在澧州澧陽縣

鯽魚湖

高郵志在興化縣三十里

鷓鴣湖

饒州府志在鄱陽縣

螺蛳湖

長沙

有志在湘陰縣

鶴龍湖

古羅志在湘陰縣西對江周圍八十里蒿荻所產魚蚌所聚遺利足以活貧民有澤梁無禁之風

我

羊湖

長沙府志

雞雀湖

輿地紀勝在泰州海陵縣東

蜂蛤湖

鏡州府志

蚌螭湖

長沙府志

鰻鱧湖

王峯志在縣西北十八里南入於小虞浦北入于江家潭西亦可入陽城湖

鰻

魚湖

臨川志在臨川縣

鰻魚湖

鏡州府志

鰻魚湖

鏡州府志

團魚

湖

鏡州府志在鄱陽縣一在餘干縣

石魚湖

輿地紀勝在道州有亭亦元次山立名失其處元次山石魚湖上詩序云

德泉南上有獨石在水岩狀如遊魚魚凹處可以貯酒乃命湖曰石魚湖詩云吾愛石魚湖石魚在湖東背上有酒樽繞魚是湖水兒童作小舫載酒勝一盃且欲坐

鯉子湖

紹興志湖在餘姚縣東北三十五里周八里有土門

鮑子湖

鏡州

鴨子湖

維揚志湖在泰興縣湖河之北抵柴墟鎮濟川河之南凡六十有餘里昔可通舟今湮塞矣

鴨

兒湖

鄱陽縣志

烏兒湖

鏡州府志

猴孫湖

鏡州府志湖在餘干縣一在番

水樂大典卷二千二百七

土

鷺脰湖

蘇州志湖南去吳江四十五里平望南舊以湖形似鷺脰故名或訛為鷺脰其義無取其源有兩一自湖州嘗溪東

流由南溇至本縣界荻塘出安德橋一自西南湖州烏青鎮爛溪由鷺脰湖併出安德橋入運河分流又作兩路一自南流出曹龍港至汾湖由汾

湖出孫塔港入澱山湖而注之海宋張鉉詩行次鷺脰湖震澤忽忽過胥塘漸漸來風高多卷岸船側屢翻盃積草攤漁網疎林聚客桅景運宜

急寫句過恐難裁再過鷺脰湖曉霧濛濛合山藏岸絕痕浩波春日去金瓦玉乾坤楊誠齋朝天集過鷺脰湖畫舫如山水上奔小船似鴨

避河濱紅旗青蓋鳴征處都是迎來送往人忽聞岸上四驩呼知近吳江鷺脰湖火炬燈籠不須辨使家行住按程塗春來已自兩旬餘欲借

春首未見渠烟樹隔湖三十里寒稍依舊向人疎

龍鬚湖

古羅志在湘陰

龍目湖

鎮江志湖

在京峴山秦時所相湖州類集或云梁武帝所相案宇記梁武帝望京峴盤紆似龍相其左右為龍目二湖今失其所蓋齊周子詩千湖認龍目斷

顧記蜂蟻注而徐州記有龍目湖今失其所鶴林寺前山有石明峰腰者太平御覽梁典曰武帝望京峴山盤紆似龍振其石為龍目二湖劉澄

之揚州記曰。新城縣東有俱山。山上有湖。湖中有白鶴一隻。時時飛來。不可常見。劉楨京記曰。龍目湖。秦王東遊。觀地勢云。此有天子氣。使楮衣徒鑿湖中長岡使斷。因改龍目湖為丹徒。今水北注江也。**龍背湖**長沙府志在湘陰縣。**龍坑湖**武昌府志在蒲圻縣西。

五十里。**龍蕩湖**輿地紀勝湖在江陰縣西七十里。**懶橋湖**宋楊誠齋詩圩路梓絃白圩溝夫柳青藻明潛。

撥刺日暖凍蜻蛚。只箇新茅店。分明是水亭。行來惟恐盡。覽處不容停。**異龍湖**雲南志畧湖有九曲。各

周圍一百五十里。中有三島。一小島名孟繼龍。上有蛇虫。人不可居。昔蠻酋以有罪者流此。一島舊立酋寨。名小末末。其大島名和龍。漢人名曰水

城和泥。蠻酋立於其上。寨四圍皆巨浸。前一徑僅容足馬。天曆鎮兵之變。各處皆為賊兵所陷。獨石平守鎮千戶朱寶。副千戶李亨。佐率騎五十

餘人。夜至建水宣慰司。掩襲偽官。復入司所奪印符。以歸相。此島舊有壘。壘可保。遂引衆據之。後建水新興三軍未合。賊率衆攻。勢益盛。賊舟三百餘

艘。聚心洶洶。有謀欲降者。亨佐對衆歃血盟曰。我等勢蹙。此方莫人皆為。此曹所害。戰亦死。降亦死。當以死報國。有言降者斬。衆皆踴躍。賊舟將至

城下衆欲迎敵。亨佑曰。毋急也。兵漸逼。發砲擊賊。連陷數十艘。從兵進攻。斬首三百餘級。中食將不繼。富民王帶出粟千餘石。以給衆。城破。圍七十

日。大軍至。漢民得保者數萬人。云雲南志湖在石平州。湖有九里曲。一曰研和曲。二曰小研曲。三曰兀粟曲。四曰大朋練曲。五曰小朋練曲。六曰大

錫西曲。七曰小錫西曲。八曰位梨曲。九曰紅蓮曲。源出湖西南二十里。兀磨山下。注于湖。產大魚。蓮藕。紅菱。湖中又有三島。其一曰那和龍。居二島

之中。其二曰小末木寨。居右。其三曰孟插龍。居其左。此島多蛇毒。遇有罪者。法流于此。**馬社湖**蕭山志湖在蕭山縣東二十五

里。邑人馬社所築。**馬渚湖**維揚志湖接張家湖。介于太平鄉輻輳鄉之間。**馬田湖**澧陽志在澧州安鄉縣西。

場湖長沙府志在長沙縣。**馬涇湖**元一統志湖在崑承湖東南。接崑山境。去邑四十里。廣長各五里。父老相傳云。舊有

就水草牧馬者。一夕群馬驚鳴。逸入于水。故鳴馬驚。蘇州府志。郝氏書作馬荆。及有作馬京者。故老相傳。昔人洗馬於此。馬忽驚躍。前足有物。色白

如帶。索連纏。人遽解之。流血數升。棄所纏物於岸。傍有戲沃盥之者。蠕蠕而動。倏忽漸長。盤若一席。衆懼。急走。而風雨大至。震雷數聲。此物忽不見。

方知龍也此與西陽雜俎
白將軍事相類疑傳訛也
馬騰湖 松江志與地記勝湖在
華亭縣西北六十里
馬長湖

澧陽志湖在澧陽縣東三十五里
武陵國經志在龍陽縣以人而名
馬鞍湖 淮安府志湖去鹽城縣西三
十里西村方環二里北流

入侍 **馬骨湖** 郡縣志在沔陽州王沙縣東北八十里
有馬骨坂楚王
牧馬遺骨於此因以為名唐元和郡國志云秋夏漲

春冬 **馬腸湖** 饒州府志
在鄱陽縣
馬影湖 漢陽志湖
在漢陽縣
牛蹄湖 武陵圖
經在武

陵縣 **牛腸湖** 長沙府志
在湘陰縣
牛車湖 饒州府志
在番陽縣
牛闌湖 長沙府
志在湘

陰縣 **牛橋湖** 江州志州境大川
有牛橋湖水入之
牛草湖 饒州府志
在鄱陽縣
牛甸湖 雲

志在北勝府順州東三里源出山
半下注成湖周六七里湖中產魚
羊頭湖 安慶志與地紀勝在懷寧
東二十五里湖西有小山

狀如羊頭因以為
名周迴約三十里 **羊屎湖** 饒州府志
在鄱陽縣
蛇林湖 饒州府志湖
在鄱陽縣
龜

永樂大典卷二千二百七

池湖 郡縣志在沔陽州王
沙縣西北三十五里
蚌舟湖 武昌府志在武昌
縣西八十里
雉城

湖 蘇州府志在崑山上接江
湖港浦由大七浦入于海
鴛鴦茶湖 山陰志在縣北一十五里
舊名汪奕湖郡志不載其

名不知 **鴨蕩湖** 郡縣志湖在餘姚縣西南
二十里周百畝北有土門
鴨欄湖 郡縣志
在岳州

府臨湘縣北有開鴨欄旁為
湖昔建昌侯孫慮聞鴨于此 **鵲山湖** 濟南府志舊傳釣突泉北流
合諸泉匯為陂塘東抵華不

注山北繞黃臺今有限水堤存焉
李白有游鵲山湖三詩見文集 **鵝場湖** 古羅志湖在湘陰
縣北三十五里
鳳

浦湖 定海志湖在
縣北七十里
漁浦湖 會稽前志湖在餘姚縣西北六十
里一名白馬湖舊經引夏侯曾先

志云驛亭埭南有漁浦湖深處可二丈漢周舉乘白馬遊而不出時人以
為地仙白馬湖之名由此水經云漁浦湖中有大獨小獨二山唐貞元中

置湖門三所別於北 **魚田湖** 澧陽志在澧
州奉明村
鶴問湖 江州志
湖在州

永樂大典

卷二二七〇

上三邑水。白龍泉。過二石門。與地紀勝一在德化縣西四十二里。按郡國志。陶侃徵時。長母忽有二客來。疑而追之。變兩白鶴。冲天而去。因名鶴門湖。

蛇口湖

江州志。上三邑水。鶴門湖。與高良等山水。過蛇口湖。

鴨踏湖

澧陽志。在澧州安鄉縣南。

鷄鳴湖

慈溪縣志。湖在金川鄉。昔又謂之仙鷄湖。任侗脩築。今廢。

鷄啼湖

長沙府志。在湘陰縣。

狼跋湖

岳州府志。湖在岳州府華容縣西六十里。

鱸顧湖

長沙府志。在湘陰縣。

魚流

湖

澧陽志。湖在澧州安鄉縣南。

象蹄湖

武陵國經。湖形如象蹄。在龍陽縣北。

鳳翎湖

紹興府志。湖在上虞縣西南五十里。

鳥翎湖

武昌府志。在武昌縣南一百四

十鷄冠湖

鏡州府志。在鄱陽縣。

鷄頭湖

臨川志。湖在臨川縣。

鮑口湖

鏡州府志。在鄱陽縣。

留龜湖

郡縣志。在汙陽州。王沙縣東二十里。

唳鶴湖

華亭縣志。在華亭縣南四十五里。周

永樂大典卷二千二百七

十四

迴五十六里。松江府志。唳鶴湖詩。洗滌雲間路。翁淪一水深。月光涵露重。遙聽九皋音。

觀鴈湖

歸州志。在興山縣南五十

里。有王虛洞。三秋之際。凜如九冬。郡守奏其狀。乃於洞之口。置觀鴈湖。李壁經行。留題云。溪作玉膏色。洞如天琢成。倩誰呼白鹿。將我上瑤京。

牧馬湖

會稽志。湖在蕭山縣。

飲馬湖

武陵國經。在桃源縣。會濠村。周迴三里。昔馬希範征彭仕慈。飲

馬于落馬湖

鳳陽國志。湖在宿遷縣。昔傳項羽墜馬。此處。故名落馬湖。

老鸛湖

山陽志。湖

在城西。周顯德中。世宗別開老鸛河。此其舊跡也。

猪戟湖

澧陽志。湖在澧州安鄉縣東北。

蛟洋湖

延平志。湖在將樂縣南百一十里。孤峯絕頂之上。廣十五餘丈。其深莫測。水湧而出。分流二澤。一入本縣。將歸嶺下。合石牌場溪。一自崖谷下流入

宣化大陂。合建秦尾鵝湖

鏡州府志。湖在鄱陽縣。

高亭湖

金陵新志。湖在城東南三

十里。周迴二十里。溉田二十五頃。升陽記云。王仲祖墓。東南一十六里。有馬亭湖。周迴三十餘里。

顧亭湖

與地紀勝。湖在

華亭縣南三十五里舊經云黃門侍郎顧野王居此唐詢詩云平林標大道曾是野王居舊里風煙變荒源草樹疎

鄱陽志湖見九城志在餘干縣西北水路八十里王記云後漢張邈封族亭侯因以為名死葬於此有族亭村

邦亭湖南府豫章志邦亭湖舊圖經云在新建縣北三百四十三里湖有神在漢尺

三國時能分風上下或與人交語聞樂已為豫章太守遂不復壘湖北望

廬山元祐間秦少游嘗宿於湖邊寺惜竹軒夢神女遺之以詩曰不知水

宿分風浦何似秋眠惜竹軒聞道文章妙天下廬山對面可無言舊圖經

載湖屬豫章故記之團亭湖太平寰宇記湖在舒州桐城縣與白石湖相連

出兩小山亭峻嶮白石較馬二水相連遂為團亭白石之流

新亭湖紹興志在諸暨縣北十里

寺後湖四明志在寧波府奉化州北五里

舍背湖鏡州府志在餘干縣

角子湖邵縣志湖在汚

牌子湖至盛家渡止

鞭子湖武昌府志在嘉魚縣南三十里

鏡子湖紹興府志在諸暨縣西十里

附子湖紹興志在餘姚縣北三十里周二十五里

楊子湖紹興志在吳興縣北二十八里舟楫不通

鄔子湖宋周益公大全集壬辰五月癸未過鄔子湖萬頃湖光似鏡平蜿蜒得得

閣子湖鄔縣志在岳州平江縣北瀕湖之人歲病霖潦多重屋眾居故曰閣子鎮因以名湖

飯籬湖南豐志在南豐縣東五十里湖內有水其深十餘丈其水四季常清

飯起湖臨川志在臨川縣

羹飯湖饒州府志在鄱陽縣

羹臙湖古羅志在長沙府相陰縣北四十里

斧頭湖武昌府志在江夏縣南一百五十里

布袋湖饒州府志在鄱陽縣

車網湖在鄱陽縣

曾網湖在鄱陽縣

曲尺湖在餘干縣

鏡州府志一在鄱陽縣一在餘干縣 **車輪湖** 鄱縣志在刑州府枝江縣 **明鏡湖** 與地紀勝在宣州三

十五里 **懸鍾湖** 武陵國經在武陵縣南潭深無底有古槎與水升降旱則鄉民曳動乃雨 **燒錢**

湖 武昌府志在嘉魚縣西南八十五里 **張金湖** 鏡州府志在餘干縣 **高車湖** 臨川志

縣 **射的湖** 紹興府志在山陰縣南 仙人石室下潭深巨測 **濯纓湖** 元一統志在濟南府珍珠泉西

本名交泉甘露園記云中夜至日中為清泉日晨至夜分噴出灰積之成堆鹹鹵不可飲今則清冷甘冽與昔不同元至正初憲使珊竹希仁書濯

纓湖三字 **金鍾湖** 豫章志在南昌府豐城縣西五十里天寶洞上故老求還山武后賜以金鍾玉磬天師既仙

去遺金鍾玉磬于湖中至今名金鍾湖 **金龜湖** 南豐志在南豐縣其湖深沒可五七尋湖中有一石端伏宛然如龜而首

足略具遇旱乾浮露半出人皆見之因號曰金龜湖 **金鷄湖** 紹興

府志在諸暨縣南三里 **金沙湖** 與地紀勝在鄞州治中 **金鮮湖** 臨安

在縣東五里俗傳有龍其泉與獨山潭通後 **銅船湖** 合浦縣志湖因耕者飲牛滌器而遺於獨山潭湖今蕪沒

七十里方輿記云昔馬援南征鑄銅船五其一留此湖其四過海征林邑交州記九真有一湖去合浦四十里至陰兩日百姓見有銅船出水上又

有一牛出湖中以鷄酒為祭便陪獲 **銅鼓湖** 臨安縣志在縣南太魚若不設此祀則漁得牛魚而已

左右有二湖皆廣袤數丈其一或涸其一雖亢旱不涸 **珍珠湖** 鏡州府志在鄱陽縣 **臙脂湖** 寶

滯瀆志在西北十五里 **腰子湖** 鏡州府志在餘干縣 **父肚湖** 鏡州

在鄱陽縣 **耳毛湖** 鳳陽府圖經志在靈璧縣 **長腰湖** 鏡州府志在鄱陽縣 **陀背**

湖 鏡州府志在鄱陽縣 **笑面湖** 蘇州府志在吳江 **平頭湖** 鏡州府志在餘干縣 **灣**

頭湖 臨川志在臨川縣 **坦頭湖** 鏡州府志在餘干縣 **鎮頭湖** 郡縣志在荆州府枝江

縣 **順頭湖** 長沙府志在長沙縣 **縮頭湖** 與地紀勝繁年錄云紹興初張榮任

通州以地勢不利乃引舟入縮頭湖作水寨以守 **碩項湖** 淮安府志在沐陽縣東九十里

與安東縣海州各分湖三之一為界按輿地要覽云秦時童謠曰城門有血城當陷沒後有殺犬以血塗門母見便走水至城陷今俗呼為大湖

澁口湖 池州志在東流縣南三十里源出木城山北流二 **腦口**

湖通江夏境有水冬則涸于時靡所產植陶侃作堤以遏水甘是水常不竭因取瑯琊陽湖魚菱以著湖內菱甚甘美異於他處所產鮒魚乃長三尺永嘉初顏破太守褚為之修復尋又朽壞魚菱不復蓄息矣臧質敗走南湖以荷自救即此湖也水經注云江東得五丈口則五丈之名亦古也

湖 武陵圖經在武陵縣澧陽分界 **五丈湖** 郡縣志壽昌縣在武昌府郡東八里

今湖有小磁之目即水經注又得次浦者是 **五重湖** 武昌府志在嘉魚縣東北八十里 **五葉湖**

元一統志在江陵縣荆南志云昔湖側有土人張拔五葉同居因以為名江陵續志云監利亦有五葉湖 **五升湖** 臨川志在

臨川縣 **五珀石湖** 鏡州府志在餘干縣 **五塘湖** 郡縣志在武昌府 **五步**

湖 無錫志其湖去州東北七里天投鄉東西二十里南北一十里南徐記云五湖其源濁而流清澆田百餘頃或云即陶穀所隱之處梁載

十道四蕃志云漢末錢塘縣陶穀有道藝隱居五部湖時大旱蝗太守奉印綬請為無錫令穀退而嘆曰郡界有災安得懷道而不救之到城脩六

事行預災之術三日雨蝗盡死穀乃遁去今此湖皆塞為良田惟所經之道稱五步塘今之塘所即其地 **五瀉湖** 大德

志郡治東北一百四里無錫北一十四里 **七里湖** 武陵圖經其源自上湖北經江陰晉陵兩界以入大江

七里村產菱有異味昔楚平王嘗採以餉秦故旁有採菱城城有採菱臺

大後按沈林子新郭亮之子七里湖即其所也語在採菱城條沈約傳

水樂大典卷二千二百七

十七

永樂大典

卷二二七〇

輿地紀勝離軍城二十七里。

三角湖

淮安府志清河縣有三角湖。去縣西北八里。東西闊一里半。南北長七里。

姑湖

孫光祿詳山在海中有廟其神傳是隋煬帝山高峻。內有三湖。名曰三姑。菱芡鳧鴈鴻渤鴛鴦之類。志有

三岡

湖

金陵志在城東六十四里。周迴一十里。溉田八十頃。地有三岡。俯臨湖側。因名。

三城湖

金陵新志其湖在城西南

七十三里。周一十五里。中有三小城。因以名之。

三塔湖

溧陽志一名梁成湖。在縣西七十里。周十八里。西南與昇平湖相接。

張舍人孝祥詩。湖頭三日風。及樂府。問訊湖邊春色。皆指此。

三陽湖

沔陽州志在州之西五里。按方輿勝覽云。東曰朝陽。

南曰南陽。北曰水陽。故曰三陽。

三义湖

紹興志其湖在諸暨縣東北五十里。

三臺湖

德安府志在應

城縣西南四十五里。

三塘湖

古羅志湖在相陰縣南四十里。

九鯉湖

南陽志其湖在興化縣西

南四十里。舊經云。兩石之間。石底徑兩里許。平遠如削。上下三滌。源流甚遠。春水時至。涌漫于其上。有石如煙突。水匯流其中。跑跑汕汕。瀟瀟為湖。深

不可測。復奔流下滌。即萬仞之壑。為魚龍蛟螭之宅。水落石出。其石底有似耕者。似窪者。似臼者。其大者又如鼎鑊。不可以數計。每一穴。則兩竅並

立其中。各相關通。又於眾竅中。迂回此曲。泉脉亦相流屬。雖不雨。水亦不涸。歲早有禱。於溪南隱隱然。若有聲。一日聲不止。乃雨驗也。昔有何氏兄

弟九人於此煉丹。丹成。乘九鯉仙去。初不知年代。今基杵藥爐丹竈尚存。有臺曰湖光。下瞰湖。宋王君實。雁軒集。題九鯉湖。湖游。洋勝境也。有九龍

運仙人丹竈。至今存焉。舊傳有巨鯉。隱其中。仙人蟬蛻幾經年。山水勝處。今依然。長驅九龍。叱雷電。高跨九鯉。升雲煙。武夷九曲。此幻相。靈砂九轉

成丹。銚黃鷄。白犬。得一。翫。翩翩高舉。紅輪邊。我家去此可三舍。欲識仙竈。無因緣。竭末乞取。方匕劑。要使凡骨立能仙。群仙駢頭。願我語。笑指巨鯉

在深淵。覓丹他日未未晚。且與一釣六鰲。連。劉後村集。九鯉湖詩。凡是龍居處。皆難敵。此泉。下窮源至海。上有穴。通天。小派猶成瀑。低峯亦起煙

莫疑乘鯉事。能住即能仙。

四龍湖

元一統志湖州府安吉縣東二里。曰四龍湖。有灌溉之利。四龍。四鶴。飛起。煙雲鬱然。化為

四龍而去。因為湖名。

四望湖

太平寰宇記其湖在濟南府歷城縣西二百步。其水分流入縣城。至街宅。與孝感水合流。入州

城西去四
泉合流。

四角湖

紹興府志其湖在上
虞縣西南五十里。

四溪湖

臨川志在
臨川縣。

千金湖

沔陽州志在州之南一百五十里。紹興志在
餘姚縣西北六十里。周十五里。西有土門。

千頭湖

天台志在臨海縣南二十五里。唐黃巢亂寇黨徧江浙。有支
姓盧姓者。率里人與賊死戰。一夕手刃千級。棄于湖水。故名。

千里湖

溧陽志在縣東南十五里。晉書陸機云。千里萋萋。未下鹽豉。南史沈文季
云。千里萋萋。豈關魯衛。皆指此地也。至今產萋萋。俗呼千里滄。與古縣滄

相連。或說千。當作芊。未當作末。千末皆省文也。下
即林陵。大抵縣境產萋。多且肥美。歲蓄可以致遠。

千人湖

太平案
字記在

秦州興化縣東北一百二十里。故老傳云。隋末有千餘
人避難於此。得見太平。因號千人湖。凡有八湖在邑界。

萬歲湖

府圖志其湖在天長縣西三里。宋太祖征揚州。駐蹕其地。殊人迎送。呼萬
歲。故名。太平案字記云在城西二里。方圓三十里。昔周世宗駐蹕于此。民

因山呼。因以為名焉。南豐志其湖
在州東門外一里。今易名曰萬翠。

萬安湖

宋張齊民撰行錄壬辰
次虹縣當為紅。漢書所

水集大典卷二千二百七十

十九

謂紅陽侯立是也。訛而不改。遂謂虹城。北有湖水廣表十里。蒲魚之饒。周
給鄰境。煬帝幸江都。賜名萬安湖。比晚與辛大觀以小舟遊定林寺後。遂

絕湖心。可十里至小洲。有民居三兩家。鷄犬籬落。四面渺茫。過江渚既歸。
侯都監蘇育供奉。問郴州土風云。泗州志宋朱弁字少章。紹興十三年自

雲中奉使回。遂伴至虹縣。以舟入萬安湖。有詩二首。萬頃玻璃一葉船。
衝蘆曳藻入蒼烟。又云。雲中六閩食無魚。清夜時時夢斫鱸。離汶未踰

十里道。度淮
先泛萬家湖。

百萬湖

廬州府志其湖在無為縣東二里。明遠樓之
下。舊志曰。明遠樓在楚澤門上。與群山觀相

接。下臨百萬湖。王公蓮亦曰。漕臺之下。湖名百萬。地接兩州。謂和州也。故
滿雜端詩云。城外湖光百萬頃。城頭軒檻對湖開。可以想其近在目睫矣。

數十年前。歲以旱告。始有築圩為田於其中者。積漸苴塞。竟成阡陌。併其
名沒焉。舊志所以不書。今問之土人。乃僅指上三溪下三溪。接連泥汊。構

江等水。滴蘆蕩以為湖。其意蓋諱近城湖面之為田。恐官司講行開掘。則
有不便者。嘗以北山紀事攷之。紀事云。無為西南北三面平陸。唯東一面

臨河。河之外則大澤。古名百萬湖。言其廣闊不可以頃計也。瞻望史康太
平池和四郡。如在目前。自來諸水未開以為田也。近歲苦旱。澤多乾涸。遂

民遂年好景之。而田其中。向遇水旱。澤中富羨。獨滿。農民取之。可以充
食。今既為田。不可復得。向年城下水滿。舟船取直以行。通達無礙。設有緩
急。易於逃竄。今河流灣曲。若舍舟而走。宋舟相遇。必至糜碎。况湖水無其
地。每歲梅潦。不得時泄。古來諸圩。去河遠者。往往潰決。不可捍禦。良田萬
數。悉為深淵。其為民害。及不淺也。令人感慨。今田為制。司屯耕。非獨民不
欲開。官亦難之。若論大計。所關當有勇於任責者矣。寶祐滯澗志。王蓮作
百萬湖詩二首。臺下瀾浸百萬湖。叢生荏葦伴菰蒲。自從國作民田後。
每遇凶年一物無。農人今歲不施功。漫撒田中穀自豐。極目黃雲無際限。
只將晴色望天公。

百頃湖

成都府志相傳唐人
所鑿。周圍三四里。

百花湖

洛陽名園
記。湖圍在

唐為裴晉公園。園中有
湖。湖中有洲。曰百花湖。

九尾湖

元一統志在折鄉
縣西南七十里。

雙女湖

元一統志其湖在東莞縣東南一百里。舊圖經云。昔周山
有雙女陷湖。歲月綿邈。每至晴霽。湘中有雙鯉長丈餘。

雙碁湖

紹興志其湖在上
虞縣西南五十里。

半湯湖

甯陽雜俎在句容吳濱塘。其湖水平冷
手熱熱可以滷鷄。皆有魚。魚交入輒死。按

水樂大典卷二千二百七十

二十

景定建康志曰。半湯湖。所引輿地志。及南徐州記。與上大略皆同。蓋即今
上元湯泉也。又按金陵志曰。湯泉有二。一在上元湯山。近僧寺。人多往浴。
一近下蜀鎮。及東陽有溫泉數
壑。地僻人少。知之地。廣句容。

東錢湖

四明續志其湖在鄞縣東
鄉二十五里。一名萬金湖。

以其為利重也。唐天寶三年。縣令陸南金開廣之。屢經浚治。周圍八十里。
受七十二溪之流。四岸堰凡七。曰錢堰。大堰。莫支堰。高湫堰。東木堰。平水
堰。梅湖堰。水入則蓄。雨不時而啓。開而放。鄞縣定海七鄉之田。資其灌溉。災
疴等虛。荷艾。滋蔓不除。湖輒堙塞。宋淳熙間。請于朝。大浚之。嘉定間。撰刑程
單。攝守。指緡錢。置田收租。歲給濟治之費。寶慶間。尚書胡榮守郡。請于朝。
得度牒百道。米壹萬五千石。又濟之。猶懼其無以繼也。奏以贏錢。增置田
畝。令翔鳳鄉長主之。分漁戶五百人為四隅。人歲給穀六石。隨艾疴之生。
則絕其種。自此凡十六年。不舉湖之政。淳祐壬寅。郡守陳瑄。歲稔。農隙。行
買疴之策。不差兵。不調夫。隨舟大小。疴之多寡。聽其求售。交疴給錢。各有
攸司。入國朝。大德間。勢家有以湖為淺。浚。請以括田若干畝。入官租者。時
都水營田分司。追斷復為湖。延祐新志。所謂欲塞錢湖。此其漸也。至正間。
因鄉民告有司。舉行淘湖。拘七鄉有田食利之家。分畝步高下。操撥湖疴。

隨田多寡。閘狹。俾波之積。封于塘岸。然宿封春泛冬沉。次年復生。則有司所行爲。具文爾。近年重脩嘉澤廟。有灌盪之異。芟封向春不泛。荷芡等產。生之者鮮。然未足恃也。但大旱之年。放水湖下一舉。而涸。固知其積淤年久。蓄水至淺。東鄉河道。又皆淺溢。舊稱一湖之水。可滿三河半。今僅及一河而竭。是可憂也。又况職守者。不謹。啓閘。破。傍湖土籍。通同漁戶。每於水溢之時。乘時射利。私自開閘。網魚。洩水無度。沿江堰壩。又失修理。日夜傾注于江。防旱之策。果安在哉。此農事正官所宜究心者。觀於古今之盡其職者。幾人焉。寧波府志。東錢湖。縣東二十五里。一名萬金湖。以其爲利重也。在唐曰西湖。蓋鄞縣未徙時。湖在縣治之西也。天寶三年。縣令陸南金開廣之。宋屢濬治。周廻八十里。受七十二溪之流。四岸凡七堰。曰錢堰。曰大堰。曰莫枝堰。曰高湫堰。曰東木堰。曰平湖堰。曰梅湖堰。水入則蓄。兩不時則啓。閘而放之。鄞定海七鄉之田。資其灌溉。芟封等蒲荷芡。滋漫不除。湖輒堙塞。淳熙四年。魏王鎮州。請于朝。大浚之。是年二月七日。准尚書省劄子。爲魏王奏云。明州被山帶海。山高於田。田高於海。水有所洩。每歲不苦水。而苦旱。前古因山形。有不合處。築爲長短。塘交湖谷之水。七十有二流。水錢湖亦疏。萬金湖。唐天寶中。令陸南金。益浚而廣之。其長八十里。

水樂大典卷二千二百七十

灌田一百萬餘頃。至天禧中。守臣李夷庚。因舊廢址。增築堅固。自此七鄉之民。雖甚旱。而無凶年憂。慶曆八年。縣令王安石。重浚湖界。嘉祐中。始置破閘。至治平九年。復修六堰。立陸南金李夷庚之祠於堤。歲歲久廢壞。至紹興十六年。邑民懷思舊德。復修祠宇。塑神像。皆有遺跡。及研刻可攷。惟是自治平元年至今。百有餘年。湖復湮廢。芟封生之。至二萬餘畝。積水不多。昔年於湖內取水灌注田畝。一歲凡三次。今止放得一次。不能遍及。郡人病之。乾道五年。守臣張津。乞開發。得旨依奏。趙伯圭踵其後。遣知縣楊布量步畝。計徒庸。當用錢一十六萬五千八百八貫。米二萬七千六百四十八石。工役至大。費用不貲。以故中輟。皆有素贖可致。自臣到任。恭承前後所降詔書。旨揮。具修水利。今年四月。據知縣陳事。佑拾。乞開東湖。委長史莫濟。司馬陳延年。相視基址。詢訪湖邊父老。以及士大夫。皆以爲當開。遂委官量畝步實數。具奏以聞。在法農田水利。並以食利家戶。共力修治。合是民間出財。陛下聖慈。爰念黎庶。爲之出內帑。會子五萬貫。義倉米一萬石。臣仰體聖意。凡用竹木支碼。賞般運芟封。並用本州錢。以佐其費。緣其地界闊遠。分作四隅。差官董役。復選擇上八有心力者。相與輯集。令莫濟陳延年。往來監視。計開時。二萬一千二百一十三畝。三角一十六步。

永樂大典

卷二二七〇

至十月三十日已遣軍事。但嚴運已開。芟封。增廣塘岸。或種在山坳。更預月餘。方得淨盡。民間見百餘年積弊。一日掃除。無不引手加額。稱頌聖德。臣亦欣快。并願。良自慶幸。臣本州官吏。除長吏莫濟。司馬陳延年。已蒙聖恩除職外。其餘提督官以下。委有勞効。欲乞睿旨。許臣開具保奏推賞。庶幾為民興利之官。有所激勵。奏聞。事十二月十三日。三省同奉聖旨。依奏。臣今開具下項。保明是實。伏候聖旨。二月七日奉旨。姚佑。成三年磨勘。陳公亮。潘果。仰。錢。著。林。汝。司。馬。望。顧。仁。厚。顧。仁。俊。並。減。一。年。磨。勘。許。常。和。顧。仁。智。顧。仁。興。陳。觀。禮。今。明。州。於。今。年。各。人。戶。下。合。納。官。物。內。量。與。減。免。張。元。地。周。微。許。贊。於。本。州。錢。內。攝。設。一。次。然。當。時。所。除。芟。封。未。出。湖。堤。既。復。填。淤。嘉。定。七。年。提。刑。程。軍。攝。守。捐。給。錢。置。田。收。租。欲。歲。給。濬。治。之。費。朝。廷。許。其。盡。復。舊。址。劉。子。切。見。慶。元。為。郡。湖。海。近。江。並。無。陂。塘。全。仗。東。錢。湖。及。廣。德。湖。它。山。水。灌。溉。田。畝。廣。德。湖。久。失。成。田。餉。水。軍。不。敢。復。議。它。山。之。水。漲。則。般。堰。入。江。餘。悉。分。入。枝。港。通。舟。陸。田。每。歲。四。季。須。當。淘。沙。開。淤。能。無。礙。所。用。和。雇。人。夫。一。歲。當。一。百。貫。文。本。府。見。行。用。錢。一。千。二。百。餘。貫。置。田。四。十。畝。委。鄉。官。收。字。縣。丞。提。督。通。年。充。雇。夫。之。用。吏。不。擾。民。惟。有。東。錢。湖。為。民。利。甚。博。湖。西。開。約。十。萬。畝。灌。田。一。百。萬。餘。頃。爾。後。芟。封。淤。塞。向。者。

郡守倅告朝廷。陳乞錢一十六萬有餘貫。米二萬七千有餘石。雇役民夫。開浚芟封。未蒙允可。魏王判慶元曰。復行中奏。蒙旨出內帑五萬緡錢。倉。米一萬石。本府均官民戶有田之家。出人夫器具。又差撥水軍同共般封。積於湖中。候有水方行般載。豈有水之時。欺罔官司。將封復行。干攤在湖。徒費錢米。無補纖毫。其時芟封尚少。今乃不然。民間因芟封之漲塞。並皆計濬。請何。或恃強侵佔。為己業。種荷畝田。今則湖中之水。通舟如線。夏初。秋雨。盡開湖門。灌田無多。幸而朝廷祈禱。即應。遂得一熟。士庶陳述利害。軍同通判親往相視。委實淤塞。若欲料半民戶有田之家。畝頭出錢。則撥。撥尤甚。復差水軍。非徒無補水利。且妨教閱。軍區區管見。不可求速效。當。唐以歲月。合置田一千畝。每畝常熟。償直三十二貫。官會計錢三萬二千。貫。每歲得穀二十四百餘石。如義倉例。輸委近鄉等戶。物力最高者。掌管。分在近湖寺院安頓。每歲農隙之時。許民間割取淤封。計船之大小。論取。封道近里數。封之多寡。立為定則。酬以穀子。一年會計。可以運二萬餘船。若能去二萬餘船。則可積二萬餘船水。年年開濬。水利日廣。十數年之。後。必可復見舊湖基址。諸鄉之田。雖早無憂。若或坐視。不早為之計。它時。慶元之田。既無水利。可恃。則與仰天小田等耳。利害恍然。不敢繫述。軍備。

直攝郡。博節浮用。徑備上項三萬二千緡。膏付等戶。一面置田條畫現式。置立版榜。但其間除月波寺。隱學寺。嘉澤廟。錢堆。四處。舊有荷池。許留數種。見委縣丞縣尉置格釘立界。至存留外。餘外盜種強占。或有已裹成田。並合開掘。如仍前盜種強占。不以官民戶。定行追治監責。軍切慮所立規。模。今年置田。未年收穀。農隙興工。後年田家方得其利。如是則未年缺雨。農家豈不利害。軍令再備錢三十餘緡。雜穀二千餘石。一面收買於封。庶幾向後可以倣此施行。事大體重。若非朝廷力賜主盟。它日必有復萌侵占者。妄行陳乞更改。伏望特賜教奏。行下本府。常切遵守。不許妄將上件穀子。別有移用。如違許民越訴。照常平條法施行。候候指揮。九月十九日奉旨依所申事理施行。其月波寺。隱學寺。嘉澤廟。錢堆。四處荷池。亦仰一體盡行開掘。仍出榜禁取。今後不許復有侵占。如或違戾。仰本府迫人根勘。具情犯申尚書省內。命官取旨。錫責其官民戶。定重作施行。而後未有司奉行不虔。田租浸移他用。湖益澤寶慶二年尚書胡榮守郡。請于朝。得度牒百道。米一萬五千石。又濟之。則于切見本郡。有郭膏股。連立阡陌。劬農之政。莫急水利。鄞縣七鄉。歲不告旱。所資以為灌溉之利者。惟東錢湖。湖面闊十萬畝。周迴八十里。受七十二溪之水。所歸水風可灌。旱乾則放。

永樂大典卷二千二百七十

凡湖下之田。受灌溉者。百萬餘頃。年未交封障塞。官司失於開洩。以致水面日狹。積水浸少。今年春夏之交。偶闕雨澤。委鄞縣丞常從事前去開闢放水。下田。撥稱止放一二板。而湖水所存已無幾。若因循度日。不行經理。深慮浸致湮淤。生失水利。委涉未便。契勘昨來提刑程章未攝府事。嘗創立開湖一局。撥府三萬二千緡。欲買田一千畝。歲收租穀。或千四百餘石。募民歲取芟葑二萬船。可添儲水二萬船。遲以數十年。東湖之葑。可以盡去。然自置局之後。有司生視。不置買舉。行已買之田。歲收租穀。未免應到修路之用。未買之錢。見格留于庫。不曾買田。今湖面芟葑。日生日長。無有窮已。根株滋蔓。日吞水面。昨因士民有請。榮即躬親前往檢視。雖委通判蔡奉議。重行檢踏。據蔡奉議中。五月二十六日。躬親前去。是日自錢堰等舟。先登二壘山一覽。盡見積葑充塞。殆十之八九。惟上水下水與梅湖三節。粗存水面。既已得大略。更宜易舟前邁。令舟人以竿刺水。步步攷驗根株之下。虛實相半。最深淤處。不過數尺。封積歲久。勢雖浮上。根實附下。其間又雜芟葑。彼此麗屬。重以荷行專濬之類。生生無窮。真類同蠶。其近山岸處。積淤更甚。亦有因而為陸。漸成畎畝者。及詢問父老。審訂事宜。皆云東湖自魏臨鎮之時。申請浚治一次。今逾四十年。有司未嘗過而問焉。夫今不

治加以數年。夏時根盤。水不可入。雖皇苑人。亦終無補。會稽之鑑湖。蓋可監也。倘家有司。中請開濬。則湖下兩縣田業。可以歲享灌溉之澤。湖上四里漁戶。可以日獲錫錄之利。說今一出。其誰不然。且魏王開湖之始。役無資於民兵。功具舉於衣粟。故事立就。其後有司。非不念此。而發於田菴。或幸於事力。或生規不治。或粗舉無益。因循積累。至於今極矣。至於所用日時。必維於農事之隙。八九月之交。水勢稍退。興工併手。則民有餘力。官無竣期。或伸或縮。惟吾所命。實為至便。今條具到。用上次第下項。一今開濬東湖。以興水利。務須先去芟荳。併其根株。然後放乾湖水。以去淤泥。庶民間濬既深。可儲水澤。但工役頗大。本易難舉。今當以序而為之。然後水軍。則用生券。或募民夫。則用雇直。契勸昨未魏王開湖。因錢米不給。頗有擾民。今要當斟酌。使公私俱便。乃為至計。擬於八九月間。先用水軍人船。戶去芟荳。然後於十月內。募湖下有田之家。出工夫人力。以助有司。庶事可以辦集。一契勸昨未魏王開湖。規畫未遑盡善。頗有遺恨。所開芟荳。種於湖傍。候有水用。船運去。泊至水生。用人船搬運。乃多為欺罔。將芟荳平攤湖中。復至澆塞水面。徒費錢米。無補纖毫。今者用工不可。又蹈前轍。然湖際四山。少有可積貯去處。若即周舟搬運。尤為重費。眾議今當聚芟荳於泥築為一堤。可以盡除芟荳之根株。可以便民旅之往來。但昨者眾議欲自月波寺築至二靈山。橫絕渡湖。是表八百餘丈。功役尤大。不可。今者之議。欲自研家山築至楊家山。頭三四百人。工役無半。可以舉行。一東湖植荷氏。概判所至。皆是未免少水。或者乃持荷可養水之說。而不受淤泥。曾不知水淺則荷盛。水深則荷萎。理之必然。所易曉者。昨程提問書中請。不許民戶種荷。已蒙朝廷行下。盡令屏除。今未十年。荷蕩已占三之一。芟荳田占三之二。今若濬湖勢。須盡行屏去。日後不許種植荷蕩。仍乞朝廷檢會。已降旨俾施行。如或違犯。許人陳首。追人根勘。具情犯中。而書省內。命官取旨。重作施行。一今濬湖。必當放水。先須修整諸處。毀閉。放運河之水。以入于江。然後放東湖之水。以入于河。河水儲蓄稍多。庶數州田之民。未春不失灌溉之利。右件開湖事。條列在前。本商除已置開湖。自委通判蔡奉議。范提督官外。望朝廷給降度牒一百道。支撥常平義倉米二萬石。下本府添貼開濬東湖支費。東湖畫圖內。已貼築堤之路。與前此不同。至於風水無妨。許具中。而書省。伏候旨揮。九月二十一日。奉旨。並依所中。今浙東提舉司。於常平義倉米內。支撥一萬五百石。及令封樁。人撥度牒一百道。付本府。每道作八百貫文。支費。並充開湖使用。務如法

開鑿經久流通。每致積泥。再自澆塞。仍仰本府常切覺察。嚴立賞格。今後如有官民戶等。觀復行役。占并種植。所違。違及之人。許人陳告。即仰將犯人送獄。俟勘具情節。申而書省。命官取旨。擇重行錮。餘人定行決配。仍具已開掘次第。及川工役錢米限狀。申下提領。封檢庫所。浙東提舉司。各該處施行。十月命水軍番上送休。且募七鄉之食水利者助役。各給券食。邦寒報工。明年春夏之交。役再舉。農不使妨耕。兵不使妨闕。募漁戶律單之。十月七日告成。詔勞功有差。提督官通判蔡範。特與升權。差遣一客。總管韓宗元。特令再任路分。呂純仁。特減三年磨勘。準備。府孫燕。王載。各特轉一員。白。王茂。特與補守。開進。弟。劉。紹定九年正月十八日。省刻尚書。猶懼其無以繼也。奏以贏錢二萬八千三百四十七緡。有奇。增置田畝。合舊穀。碩。俾贏三千。令翔鳳鄉長顧泳之主之。分漁戶五百人。為四隅。人歲給穀六石。隨麥蒔之生。則絕其種。立管隅一人。管隊二十人。以轄之。府縣丞以時督察。有旨恚如請。仍命提舉常平司董其事。即陶山立烟波館。天鏡亭。郡人竇文開。學士史彌堅。記。自此不雜蒔者十六年。費無湖矣。淳祐壬寅冬。制守陳崆。因稔歲農隙。命制翰林元晉。僉判石孝。廣行買蒔之策。不差兵。不調夫。隨舟大小。蒔多寡。聽其求售。交蒔給錢。各有司存。初

水樂大典卷二千二百七十

二十五

至數百人。已而梓舟。裹。狹。至者日千餘。可見遠近。舉趨向也。洵湖所。以佐郡家。支道。至此方全。為洵湖之用。紹興五年。明州守臣李光奏。明越湖。專溉農田。自慶曆中。始有盜湖為田者。三司使。切責漕臣。嚴立法禁。宣和以來。王仲。蕪。守。越。樓。昇。守。明。初。為。應。奉。始。廢。湖。為。田。自。是。歲。有。水。旱之患。乞行廢罷。盡復為湖。如江東西之圩田。蘇秀之園田。皆當講究。興復。詔。遂。路。轉。運。司。相。度。開。奏。乾。道。五。年。守。臣。張。津。言。東。錢。湖。容。受。七。十。二。溪。方。圓。廣。闊。八。百。頃。傍。山。為。固。疊。石。為。塘。八。十。里。自。唐。天。寶。三。年。縣。令。陸。南。全。開。廣。之。國。朝。天。禧。元。年。郡。守。李。夷。庚。重。修。之。中。有。四。肺。七。堰。凡。遇。旱。澇。開。肺。放。水。溉。田。五。十。萬。畝。比。因。豪。民。於。湖。塘。淺。岸。漸。次。包。占。種。植。菱。荷。障。塞。湖。水。紹。興。十。八。年。雖。曾。檢。舉。約。束。盡。罷。請。俟。歲。久。菱。根。蔓。延。滲。塞。水。脉。致。妨。蓄。水。兼。塘。岸。間。有。低。塌。處。若。不。淘。濬。修。築。不。惟。寔。失。水。利。兼。恐。塘。壞。相。繼。摧。毀。乞。候。農。隙。趁。時。開。鑿。因。得。土。修。治。埭。岸。實。為。兩。便。從。之。元。杜。國。英。詩。東。錢。湖。地。匪。東。而。秀。氣。多。水。涵。一。碧。浸。星。河。迢。迢。山。勢。圍。霞。嶼。淡。淡。烟。光。罩。月。波。十。八。里。未。平。似。鏡。兩。三。船。去。小。於。梭。當。時。不。立。庸。田。法。載。作。農。時。東。田。湖。澧。陽。志。在。澧。州。安。東。泉。湖。紹。興。志。在。餘。姚。裡。稻。木。柳。縣。東。長。壽。村。縣。南。一。十。五。里。

永樂大典

卷二二七〇

周十
東灣湖

臨川志在臨川縣

東亭湖

桐浦志在朝陽門外三十里按祠山顯應集張王始

於長興縣順聖鄉。後陰兵導通流欲抵廣德縣東。自長興利漢鑿河俗呼為聖清。仍於岸側先開一浴兵池。方三十餘畝。尋廣聖清之岸。迤邐而西。

志欲通津於廣德。復於後村單宅。係小山之上。楓木之側。為掛鼓壇。鳴鼓則鉤王功未遂。而適於橫山。今聖清之河。潤為民田。歲富倉箱。其利尤博。

浴兵之池。為東亭湖。灌溉瀆湖之田。僅萬頃。菱蓮間。歲不種而生。至於掛鼓壇。禽不敢。蟻不敢聚。宋俞良能詩。過東亭湖。藍與詰。且過東亭。日

出烟銷十里平。羊袖舞風菰葉寒。紅粧照水藕花生。恨無釣艇。浮深碧。賴有吟毫賦晚晴。歸對老人誇勝賞。從今不數鑑湖清。**東臺**

湖

郡縣志在德安府雲夢縣西北一十五里

東網湖

饒州府志在鄱陽縣

東賀湖

紹興志在

諸暨縣北九里

東索湖

饒州府志在鄱陽縣

東西湖

鳳陽府國經志在鳳陽縣北。饒州府志在鄱陽

縣。郡國志在常州晉陵縣東。有上湖大波。波吏丁初曾訟波。見一少婦人。衣青衣呼之。初懼。疾走。顧視。婦人乃自投波水中。即是一大獺。驗其衣乃

永樂大典卷二千二百七十

二十六

艾製耳
西景湖

紹興志在諸暨縣北五里

西溪湖

紹興府志在上虞縣西五里。古有隄岸七里。

又名七里湖。上受三十六溪澗之水。東置一閘。北開三徑。皆泄水灌漑。本縣三鄉之田。包納湖而水利。起賦至重。元劉仁本集西溪湖題詠序。西

溪湖當虞邑之西南鄙。環堤以里計之。蓋四十有五焉。水利之奪於豪者。既復田賦之輕重。偏負者既適均。溝塍埧閘。與夫矩度之防範者。既周以

密。余嘗為紀泳澤亭。以著民情之忻悻。不忘矣。乃至正二十有二年春正月。其鄉老有章志安。率若干人。持繪帙踵門而告曰。西溪湖之利病。殆將

百年弗治。今一旦得參政方公。擬轉尹上下詢謀。悉心匡濟。俾吾農民利其利。而樂其樂。誠有如子記言春而耕。歌於斯秋而飲。歌於斯者。不徒曰

庶嘆而已。蓋即吾溪湖勝景有入焉。昔秋翁陸先生嘗標題之。今將極其想像。擬諸形容。協諸情辭。見諸謳詠。使有引考。猶觀河洛而思禹功也。敢

請序諸卷首。按國湖之東。阻長者山。山麓新作祠堂。旁為泳澤亭。仙人魏伯陽。金壘丹井。在山後。湖光晴嵐。氤氳繚繞。相為盪摩。然以水之朝會於

此。築版闌。峙其瀉洩。西陸則瑞山屏。迥回巒疊。嶽當夕照。射于紫翠。稍南為周岳。雄踞若獅子狀。秋月揚輝。倒影浮光。滂躍金壁。又南則坤峯

特出嚴冬積雪圭璋交炫。融入湖間。澤瑩澤潔。自西而北。匪塘巨浸。水源春發。揚波激浪。散入溝塍。以灌以溉。鳧鷖之翔集。鱗鱗之游泳。藻荇蒲菰。菁菁旆旆。又防其溢。溢更別為石閘。以限之。而湖心二培塿。委曲蛇蟻。斷隄連橋。烟柳濯濯。春和可掬。凡此者。四時之景不同。而皆足為湖之助也。至若樵唱。咿嗚。牛羊蒸新。出沒于雙溪之上。漁歌。款乃。鳴榔。往來于任剡。兩涘。十二里塘之澗。其樂繁無盡也。噫。往者。湖墮為穿。而民受其害。茲當擾攘艱阻之際。而能披蒙雜糞。均田薄歛。克集庸功。先憂其憂。而樂其樂。持貽永久。若然者。人人所喜聞而飲道。故嘉其請而為之述。且以願於後之表牧焉。童氏家業。儒七世居溪湖上。蓋始終湖事。而手信於其鄉人者也。宋張侶。拙軒。董西溪湖。杭州西湖天下無。重樓複閣。成畫圖。中宵與客。買舟去。千金間。亦呼名姝。自言此游有真樂。月明星稀。飛林鳥。珍穀肯酒。雜樽俎。水精之鱗。盤橫鋪。尤陰鼎鼎。暗中去。事業泯泯。紙上拘。蘇仙在郡。情甚適。君復居山身。頗懼。英風既往。不可作。蹤跡勝。榮生荒蕪。空留濃妝。淡抹。句。思士久。泥反長吁。金費有溪名。西湖。我未適當夏之初。萬荷疊疊。風捲翠。郡山隱隱。雲依依。岸頭有亭。翼然立。明秀拱挹。美且都。名園花卉。憶靈運。古洞深。遠樓仙姑。月當下弦。遙聞鏡。高燒銀燭。行水壺。君不見。

水樂大典卷二千三百七十

水利及人居第一。為整勿學。白圭術。元劉仁本詩。過上虞西溪湖二首。十百湖田。百頃。波光山色。水相依。蒼烟釣艇。漁歌起。野水人家。燕子飛。培塿蛇蟻。青不闌。池塘楊柳。綠成團。數聲牧笛。雙溪外。熱路牛羊。下夕曛。湖田漠漠。上虞鄉。葑蕀波。騰復舊疆。九十九溝。春水滿。一重一掩。岸花香。山禽布穀。催東作。泥馬移秧。過別莊。漸愧有耕。非我地。遲歸猶坐。野人航。

泉湖

紹興志在餘姚縣西南一十五里。周七里。

西陵湖

與地紀勝在蕭山縣西十三里。後易名西興。謝惠連

在西陵遇風寄康樂詩。東坡詩。有為傳鐘鼓到西興之句。

西城湖

溧水志。過水。豐入西城湖。連山明。淡煙雲中。霏微小雨。吹晴

空。湖波不動。鏡湖碧。藕柄入稻。開鮮紅。擘舟直過。茗花東。屬玉鷺。眠兩飛起。忽看茅屋。古柳灣。牧子騎牛渡灘水。

西洋湖

鏡州府志在鄱陽縣

西堡湖

武昌府志在嘉魚縣東五里。

西塗湖

武昌府志在武昌縣東七十里。

西臺湖

郡縣志在德安府雲夢縣之黃城村。

西宗湖

鏡州府志在鄱陽縣

西干湖

金陵新志在城東五十里。周五里。溉田五十頃。**西施湖** 紹興志在諸暨縣北四

十里。**南碕湖** 桐汭志在建平縣西南四十里。廣袤百餘里。廣德建平之水皆匯焉。入丹陽蕪湖。連於大江。九域志作南碕湖。

俗呼為**南塘湖** 紹興府志在上虞。永豐志在縣東五十里。廣二十

餘。**南壠湖** 臨川志在臨川縣。在鄱陽縣。**南泖湖** 饒州府志在鄱陽縣。**南葉湖** 饒

州志在鄱陽縣。**南上湖** 臨安志在溪南五里。塘高一丈四尺。上下各廣二丈五尺。周廻三十二里二十八步。與下湖相接。

南下湖 臨安志在溪南舊縣西二里六十五步。塘高一丈四尺。上

步。舊志云。按輿地志。後漢熹平二年。縣令陳渾修隄防。開湖灌漑。縣境公私田一千餘頃。所利七千餘戶。歲久塘圯。唐寶曆中。縣令歸珖重修。百姓祠之。立石為記。舊有歸府君廟是也。唐地理志亦云。餘杭南五里有上湖。西二里有下湖。歸珖軍餘杭。築甬道西北大路。高廣徑直百餘里。行旅無

山水之患。宋朝以來。縣令主簿並以管幹塘岸入銜。任滿無損者有賞。故隨時修築。熙寧中。因水衝激。其岸漸低。紹興中。縣令李元衡率民築高三尺。州又差捍江兵士及濠寨官助之。塘漏則以橐為箔。捍護得免者屢矣。南湖之塞。最為本色利害。父老傳云。慶曆以前。歲調夫開湖。其後不復修治。遂致湮塞。又南湖東南。嶽廟之側。有石橋橋五畝。塔二處。皆陳王遺蹟。父老云。昔湖深水低。則引兩湖之水。由此入安樂柳。其塔上下各闊丈餘。後湖湮塞。欽德招德兩鄉之民。侵湖成田。梅月連雨。必苦大浸。欲其快於流洩。於是塔與橋毀。弗修。宣和。中。知縣江表躬訪利害。紹復。前績。民賴其賜。縣丞成無玷嘗作水利記。以紀其功。又作五畝塔銘。刻之鳳凰山石。紹熙甲寅。歲漕。黃黼重脩。慶元丙辰正月。訖事。徐安國為之記。水利記。司塔水發源天目。經兩郡六邑。以入于具區。六邑者。二當天目之麓。山隘地高。水經三邑。處其下。流水勢奔。放不可為力。餘杭界其間。襟帶山川。地勢平微。當茗水之衝。洪流歲常一再至。大雨或數至。倏忽彌漫。高處二丈許。然不三日輒平。其為患雖垂除。而難測以禦也。故隄防之設。比他為重。使是邑也。無隄防。則野不可耕。邑不可居。橫流大肆。為旁郡害。故餘杭之人。視水如寇。盜隄防如城郭。旁郡視餘杭為捍蔽。如精兵所聚。控扼之地。

也。東漢熹平中，陳公為是邑，始築兩湖，以為水溪者曰南，下湖環三十四里，並山者曰南上湖，環三十三里，洪流從高赴卑，其勢悍甚，得所謂石門函者，則折而匯於湖，既就寬平，其暴必殺，溪流紆餘，徐引而東，湖之水漉於南渠河，河流而東，接東溪五福渠之水，以入于吳興，其派別而北者為黃母港，十二里，與茗溪會，於其會處，節以石埭，曰西函，溪流方漲，則閉以固，東鄉之田，蹙其稍落，則啓函以走渠，港之潦，下田壅乾，水不儲浸，若旱甚，亦啓函以灌溉，膏腴千頃餘，無水旱號為沃壤，衣食萬室，出賦輸，無慮萬斛，而計其為旁利，又倍徙也，其為塘岸，規模甚工，得周官善防之意，歷年寔遠，溪湖皆高，隄堰圯水，或逆行，漂沒廬舍，西函既自踈，守者貪賂，竊啓以渡舟，水因大至，官趣救目前，遂塞之以弭患，自函之塞，十歲九潦，民日益困，土脉沮洳，殆成棄地，今大夫江公，以宣和四年夏，來臨此民，屬兵火之餘，視民瘠甚，為之惻然，思所以振之者，備詢耆舊，得溪湖利病甚詳，民以厭患於隄防未告，大夫曰：民困困，吾不忍若屬，然用若請也，是將永逸之報，幸朝廷寬恩，無他賦役，備豫於暇日，不亦善乎？乃以是年冬，度工賦事，民驩趨之，始於西函，次五畝埭，次終湖之岸，當溪之衝者曰紫陽灘，尹家塘，次護郊之隄，曰中隔塘，次緣溪之岸，當西函之左右者，西踰

明星漬東，接廟灣之塘，次上湖可洩者，渠河，受水處曰石樞橋，次緣溪之岸，當石門函之左，曰閉林塘，南岸皆全矣，凡北岸之塘，與南對，脩由西門之外，曰五里塘，西山之橫隴，當溪之衝者曰龜塘，及東鄉之外，盡十四埭之隄，一皆同治於是，決渠之岸，無偏強之患，其下流遠，與錢塘接壤之田，大牙綺錯，而塘在吾邑者，曰廟灣，曰許家埭，曰菱蕩，曰塘口，曰香潭，曰化灣，與其西岸石瀨曹橋之間，十餘埭之岸，亦皆增葺，凡隄防之設，西函鉅為最大，夫躬勸相撫，循之以訖，沒雪霜風雨，往來暴露，車殆馬煩，徒御疲劇，而大夫踐履泥塗，臨視指顧，蚤莫不懈，忘疲與瘡，民知其為我勞也，亦忘其勞，嘗大雪，與民約日霽而來，民莫肯去，凡函之制，田受其利，而願加以巧思，安以養勇，不動之心，期以悠久不息之誠，應於人而驗於物，工師殫其技，役夫敏其力，堅厚精密，巖巖山峙，經始十二月甲寅，落成於明年三月己巳，其高七仞，其厚一百三十丈，兩涯橫敞，其中啓閉處，小隄從雁度，故相去尋有耆，加膚寸焉，故石之工，凡百七十，役庸萬有六千三百，用緡錢四十三萬，皆函下之氓，計畝樂輸，足用無贏，不愆于素，函成，遠邇縱觀，惇貽歡服，諸儒為文，若詩以紀頌之，自餘隄防，由東塘而上，分委邑佐董之，各因其地之民，故役不告勞，而功並集，由廟灣而下，則因其塘長

永樂大典

卷二二七〇

而語之靡不聽令。併力以趨。洎成如期。其南岸利害。雖皆與西。西為未。而西。西最為要會。夫南湖之利。自漢迄今。邑人思詠陳公。時節奉祠之。少。然沙土與漲水俱至。水去而淤。比歲益甚。父老指湖中。若覆者。言兒時見此。隱然隆早也。今欲就平矣。蓋適會其極。時非并下。流郡邑之力。不可濬治。此未易議也。湖日塞。則堤不得不增。若五畝塋者。他時蓋為巨防。今不盡復。水無可趨。壩中隔塘。且為城邑病。故今五畝塋之制。其高下僅可隱人。其長止四百九十五尺。其北田岸漸高。屬於山足者。凡五百尺。下於塋尺許。皆空不築。湖水過五尺。則般塋北空處。以流過六尺。則般塋以流水之留。塋下止五尺。漢流平。則五尺之水。復自石門。函運納于漢。而湖水般塋者。勢緩不為東。及南渠河病。後民因湖之塞。稍耕其地。利水之速去也。故隄防有溢決者。往時湖與漢。皆有塘長。官免差料。俾專繕治。既而役之。如皂隸然。又常以假人。民厭苦之。罷去既久。禁戒寔地。暴者弗增。闕者弗茨。蟻蛙鼠穿。黿龜之穴。漫而不管者。水至則潰。今稍復增置。塘長。而蠲其役。又於五畝塋。舉條令為約束。以絕盜決之弊。民之蒙惠無窮也。嗚呼。是舉也。修積年之廢墜。惟遠慮明斷。主之以惻怛。濟之以勤敏。卒能變弃地為膏壤。易榛蕪為多稼。化饑饉為豐年。銷驚畏而甘寢。斯民安

永樂大典卷二千二百七十

三十

靜樂義。耕則有獲。養老慈幼。仁及閭里。風氣清爽。疾厲不作。德大夫之賜。固昭矣。然功之所被。及於旁郡。而旁郡之人。不知德。則利愈博。則名愈晦。我道然也。俗吏苟媮歲月。莫肯以民事經意。語民事。則目謂迂闊。聞公之風采。不少愧手。欲知時之治否。當視循吏之用否。孝宣光武。疏為中興。故良二千石。多在甘露間。而建武詔書。重賞卓茂。擢為太傅。今政公之行事。可以知宣和之治矣。甘露建武。誠不足多也。然則尊榮顯寵。其可辭乎。無玷冰公命。直書其事。俾後有攷。故於功利及物者。特書之。并政有過人之善者。頌之。陳公名禕。祠有王疏。不知封爵所始。宣和五年四月朔記。石遺兵火不存。今流傳民間。按東漢陳禕本傳。不為餘杭令。唐地理志。寶曆中。令歸姚。因漢令陳渾。故迹置。則唐之利。始於陳渾明矣。今以渾為禕。當是傳寫之誤。宋熙寧中。縣令危大亮作廟記。亦不載其名。

北埭湖

宣城志北埭湖在縣北四十里。以湖岸遠山。逶迤不斷。故

名言北者。以別有南埭湖故也。南埭。唐史平縣。湖岸有古楚城。舊斥墩驛。亭遺址存焉。唐李白集。有遊北湖詩云。朝遊北湖亭。一望无屋山。或云。湖亭指此地也。天聖中。萊道御題此埭湖云。泛舟南埭行。先從北湖去。水外淨浮天。雲中竊無樹。青蒼等行交。萍鱖驚鳧聚。日暮採菱人。聞歌不相遇。

北水湖

鏡州府志
在餘干縣

北平湖

淮安府清河縣志去縣東南九
十里清頭村東一里通于淮。遇

淮水泛溢則入此湖匯而為澤水退則涸。
淮陰縣志在本縣西南八十里清頭村。

北角湖

鏡州府志
在都陽縣

白湖

郡縣志在江
陵府潛江縣

南北湖

鏡州府志
在都陽縣

永樂大典卷之二千二百七十

永樂大典卷之二千二百七十

三十一